



• EDITORIAL • RÂL VÊNGTU • CHHÛNGKAW CHANCHIN

- » Literature Seminar Report
- » MPF leh Political Party-ten thawhhona thuthlung an ziak
- » Synod Mission Board ringthar neih dân

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXII

No. 407

E-mail: synodnews@gmail.com

AUGUST, 2017

LÂWRKHAWM

INCHHIAR THLA

Kohhran inchhiar thla (August) a lo ni leh ta a. Synod Statistician Upa Dr. H. Vânlalhunan inchhiar chungchânga hriat tûr a siam tlângpui chu hetiang hi a ni:

1. Inchhiarna Form leh Chhûngkaw Chhiarna Form thar, SEC 268:22-in a pawm chauh hman tûr.
2. Kohhran Upaten râl khat aţanga ti mai lovin chhûngkaw tin tlawha chhiar tûr.
3. Bialtu Pastor-in Bial Statistics a siam chu Synod Statistician leh Presbytery Statistician a pêk bâkah Bial Office-ah dah tûr.
4. Inchhiarna chu October 20, 2017 hmain Synod Office-ah theh luh vek tûr a ni a, synodstatistician@gmail.com-ah thawn theih a ni.
5. Inchhiarna hi August 31, 2017 dinhmun angin chhiar tûr a ni.

M.Th RESULT CHHUAK

Senate of Serampore chuan M.Th Results a tichhuak a, Aizawl Theological College at anga M.Th 2017 Final Exam ten ţa takin an pass vek a ni. Hetiang hi an dinhmun chu a ni:

First Class Grade A - 3; Second Class Grade B+ - 13; Second Class Grade B - 5. An vaiin mi 21 in an pass a ni.

PASTOR NUPUIE HRIATTIRNA

Mizoram Presbyterian Kohhran Pastor Nupuite Intawh khâwm chu October 12, 2017 (Ningani) khian Synod Conference Centre-ah neih a ni leh dâwn a. Pastor nupuite chu kal ţeuh tûrin kan insâwm leh a ni e. Sâwmna lehkha hmu lote pawhin hei hi sâwmnaah ngaiin kal ţeuh i tum ang u.

Lalroluahi
Secretary

Presbyterian Pastor Nupuite Intawh khâwmna

www.mizoramynod.org

SYNOD MISSION BOARD RAWNGBÂWLNA CHANCHIN TLÂNGPUI

Kum 1953-ah Synod-in Synod Mission Committee a din a, chu Committee chu kum 1961-ah Board puitlingah a siam a. Synod Mission Board hna pui ber chu - 1) Krista hnêna mite hruai (*Evangelism*) 2) Kohhran phun (*Church Planting*) 3) Kohhran enkawl (*Pastoral Ministry*) te a ni.

SMB hian ringthar siam chauh ni lo; enkawl leh Chanchin Ţa hril zêl tûra buatsaihin, '**Mahnia intodelh, mahnia inrelbâwl leh mahnia Chanchin Ţa hril thei Kohhran phun**' tumin a bei ţhin. Chumi hlawhtlin nân Kohhran leh Mission pâwl dang eng emaw zât a thawhpui bawk.

India ram chhûnga SMB rawngbâwlna hi hmun li-ah ţhen a ni a, hetiang hian:

- 1) **Central Region** (Field pariat - Calcutta, Delhi, Jharkhand, Lucknow, Odisha, Patna, Siliguri leh Nepal)
- 2) **North-East Region** (Field pasarih - Assam, Aunachal 'E', Arunachal, 'N', Arunachal 'W', Barak, Karbi Anglong leh Tripura)
- 3) **Home Mission** (Field pahnih - Home Mission 'N' leh Home Mission 'S')
- 4) **Masihi Sangati**

Central Region-a Direct Evangelism lama hma lâknaah hian *camping, campaign, crusade, Bible tract sem, home visit, rally leh childrens ministry* te hi hman tlânglawn deuhte an ni a. Indirect lamah chuan damdawi lam (*medical ministry*), puant hui zirna (*Craft*), Kristian film chhuah leh *non-formal school* (English zirna te, Bible râlchhân te leh ziak leh chhiar zirna) te hi a hman ţangkai hle. Hêngte hi Pathianin mal a sâwm nasa êm êm a; ringthar hmuh nân bâkah, ringtharte sawhngheh nân te a ţangkai hle a ni.

Tûnlaia Hindu firfiakhoten India ram hi Hindu lalrama siam an tumna boruakah hian harsatna lian tham sawi tûr awm lo mah se, tûn hma anga ualau taka thil tih remchang lo a awm zauh zauh. Hindu tamna State an ni hlawm a, Kristian duh lohna hi chak

takin a kal reng a. An inkhâwm lai tihbuai te, thawktute vau te leh harsatna siamsak te hriat tûr a awm ta fo va. Fellowship eng emaw zâtin inkhâwmna tûr an la neih loh avângin thingbuk hnuai leh mi varanda-ah an la inkhâwm bawk.

Chuti chung chuan Pathianin ringthar a la pe ve zêl a. Ringtharte hi hnam hnuaihngung leh khawsaknaah pawh a chenbeh lam an ni tlângpui a; hmun ţhenkhat erawh chuan ringtharte zingah thiamna leh khawsakna lama mi pangngai tak takte pawh an tel ve ţhin bawk. Mission dangte aia SMB danglamna hi miten an hre Chiang tial tial a, Presbyterian Kohhrana tel duh an pung zêl a ni.

North East Region chhûnga rawngbâwlna hmun ţhenkhat hi thenawm State a ni hlawm a. Mizote nêna inpawhlsawp taka awmnaah boruak mawi lo leh duhawm lêm lo te pawh a awm zauh zauh ţhin. Heti chung hian Pathian malsâwmna azârah rawngbâwlna kawng a inhawng hle. Ringthar an pungin, Kohhrante pawh an ţhang nasa hle. Direct Evangelism-a hma lâkna te, Sikul rawngbâwlna te, Damdawi lam rawngbâwlna te leh Craft lam rawngbâwlna te a ţang kawp Ţa hle a ni.

Karbi Anglong Mission chu kum 2015-ah Synod puitlinga hlân a ni a, Manipur Mission Field pawh kumin (2017)-ah Synod puitling a lo ni ta bawk. Tripura Mission Field chu ni 2 April, 2017 khân Provisional Synod-ah hlân a lo ni tawh a, tûnah hian Synod puitlinga hlân tûrin hma lâk mêk a ni.

Hêngte hian kum eng emaw zât kal ta aţanga kan rawngbâwlna hlawhtlinzia a târ lang a. Hma lâkna tûr erawh a la tam hle a; mahse, Pathianin kan rawngbâwlna min

Phek 2-naah chhunzawm...

SYNOD Newsletter
EDITORIAL STAFF

Rev. Dr. C. Chawngmingliana
Rev. PC Pachhûnga
Upa H. Ronghâka
Rev. R. Laldinthara

Editorial 

LALPAAH CHUAN LÂWM RAWH

Nangmah duhsak thîntuten îtsikna avânga hua chein an theihngihl zo ta che a, i hmêlmaten an hre ta thung che a nih pawhin Josepha dinhmun khirh tak kha ngaihtuah la, chhanchhuaktu Lalpa i nei tih hria la, Lalpaah chuan lâwm ang che. Mi rinawm lote leh hlemhlete an dingchang zâwk nia i hriat châng pawhin Sâm ziaktu thurâwn ang khân rinawmna ùm tlat zêl rawh. I rinawmna chuan lukhâwng a la nei ngei dâwn si a. Pathian thu i awih avânga i hmêlmaten tihlum tum chea an ùm reng che a nih pawhin Pharoa sipaiten Israel fate tihlum tuma an ùm laia Pathianin Tuipui Sen a chîm piltîr tâk vek thu kha ngaihtuah la, Lalpaah chuan lâwm tlat zêl ang che.

I ran vulhte chu lo pûl zo vekin i thlai chînte pawh chu lo tâm zo vek mah se, i thiltihaw hlawchham zêl pawh ni la; Habakuka kha ngaihtuah la, Lalpaah chuan lâwm zêl mai rawh. I hrehawmna leh natna tuar la kiang tûra Pathian hnêna i dil ngawih ngawih pawha i duh ang chhâna i hmu thei rih lo a nih pawhin 'Ka khawngaihna i tân a tâwk e, ka thiltih theihna hi chak lohnaah asin tihfamkimin a awm ni' tih hi Pathian chhâna pawh a ni mai thei, nghâk rih rawh. Chu chu Pathian chhâna a lo nih chuan Tirkoh Paula ang khân 'lâwm êm êmin ka chak lohnaate chu ka chhuang ta zâwk a' i ti thei ang.

Eng dinhmun pawha i din laia Pathian hnêna lâwmthu i sawi theih phawt chuan, "Lalpa, ka tâna tha tûrin ro min rêlsak a, ka chung a thil thleng zawng zawng hi ka tâna tha tûra i ruat a ni ang tih ka ring e," i tihna a ni a. Chutianga i tih theih phawt chuan Setanan nangmahah hmun a chang thei ngai lo vang a, Lalpa hnênah lâwmthu i sawi zêl thei ang.

Phêk hma zawmna...

hriatpui avâng hian rawngbâwl zêl pawh a phûrawm hle.

Home Mission-ah hian, Pâng, Bâwm, Chakma leh Bru zîngah te thawh a ni a, Mizoram chhim lamah hian Pâng leh Bâwm zînga rawngbâwl na hi kalpui tel a ni a. Tûnah chuan Kristian an ni zo thawkhaw tawh a. Bru zîngah pawh hian ringlo hi a tîem zâwk an ni tawh bawh.

Bru zînga rawngbâwl na hi a hlawhtling tih loh rual a ni lo. Kristiante zîngah mi nghet, kohhran ban rinawm leh Pathian tâna thahnemngai tak mi eng emaw zât an awm a ni.

Chakma zîngah erawh chuan ringtu an t hahnem mawh deuh. Chakmate hi Buddhist sakhaw zuitu an ni hlawm a. An sakhaw hruaitute hian an mite Kristian an nih loh nân kawng hrang hrangin hma an la nasa a. Kristian nih chu hnam phatsanna anga zirtîr an nih avângin Chanchin Tha an hriat hnu pawhin an tân Kristian nih a harsa êm êm a ni. Hêng bâkah hian Mizoram chhûnga chêng an nih avânga hnam leh hnam inkâr boruak lo awm thînte pawh hian rawngbâwl a tiharsa thîn niin a lang. Tûn hnaiah chuan hma lâkna panggai bâkah, Chakma

Convention leh Bru Convention buatsaih thîn te hi rawngbâwl na hlâwk tak pakhat a ni.

Masihi Sangati hi hêng Field puitling 17 (Mizoramah 2 leh Mizoram pawnah 15) bâka SMB hma lâkna lian tak a ni. Mizoram chhûnga hnam dang awmte lo bitumin theih tâwpin, Evangelist leh Gospel Team ten ringthar siam leh enkawl hna an thawh a. Mi thiam leh mi khawsa thei deuhte bitum tûrin Vai Changkang Team an awm bawh. He rawngbâwl na tlâwm tak leh remchâng tak hi Pathianin mal a sâwm nasa êm êm a, ringthar kan hmuh tamna ber pawl a ni mêk.

Ram pâwn (Foreign) lamah, hêng - Cambodia, American Samoa, Samoa, Wales, Sri Lanka leh Bolivia-ah te hian Missionary tîrh anni bawh a. Ram pâwn lama missionary-te pawhin hlâwk tak leh entawn tlâk takin an awm hmum theuhvah rawng an bâwl mêk a ni.

Pathianin Kohhranhote thilpêk leh tawngtâina te, thawktute inpêkna leh thawhrîmna te mal a sâwm a, khawvêl huap pawha rawngbâwl na chanchin duhawm berte zînga mi min kawltîr a ni. Tha thlah lovin i tâng sauh sauh ang u.

(Thu lâkna: Lawmnakima Hmar, SMB Office)

Synod Mission Field Statistics 2017

S/N	Area	Home	Missions		Evangelists		Field Workers		Total	Café Centre	Medical Centre	High School	Middle School	Primary School	Roughan (Jan-hri)
			W/seg	M/In	W/seg	M/In	W/seg	M/In							
1.	Bareilly	10376	103	7	219	148	4	153	353	4	20	3	1	4	92
2.	Tripura	10386	104	12	145	85	7	92	239	3	11	2	4		1112
3.	Delhi	10388	108	3	24	10		12	24	1	3				36
4.	Kolkata	10388	308	6	44	114		114	159	4	2				354
5.	Siliguri	10388	20	5	36	26	1	27	63	3	4				60
6.	Kanchi (Angkong)	10388	1100	6	158	78	2	80	158	1	8	3	3	1	113
7.	Aunachal TE	10391	803	2	65	60	4	65	150	1	4	2		2	117
8.	Ludhiana	10393	316	7	43	30		30	62		2				126
9.	Patna	10393	415	5	53	25		25	73	1	5				89
10.	Nepal	20000	413	6	53	42	1	43	94	2	10				89
11.	Aunachal NW	20001	66	4	39	43	1	44	114	1	3	1	2		95
12.	Home Mission North	10343	1007		167				167		11	1	4	5	30
13.	Home Mission South	10367	2508		248	7		7	265	1	16	2	5	10	160
14.	Aizawl	20009	803	4	67	26		26	113		5	1			20
15.	Jhansi/Hand	20008	318	6	45	94	2	96	141	1	6			1	122
16.	Mumbai (Sangati)	10373	1011	7	163				169						313
17.	Aunachal NW	20016	515	4	54	34	4	38	97		5	1			120
18.	Chissa	20016	108	2	20				20		3				
19.	Chandernagore	20010	3	1	4				4						
20.	Mission (MSP) ship		315	4	34				39		4				
21.	Tripura								0						
a)	CTE		4		4				4						
TOTAL			16500	95	1275	824	26	850	2415	23	125	16	19	24	3450
Home Office			20		20				20						
Bamngkharan (PBHS&MSK)			6		6				6						
Missionary Training College			108		108				108						
MATC (Burlaput)			11		11				11						
Remuner Hostel			1		1				1						
GRAND TOTAL			17715	95	1400	824	26	860	2470						

Râl Vêngtu

Mite: “Râl Vêngtu Zoram Kristiante hi eng nge min hmuh dân?”

Râl Vêngtu: Khaw dang sial in ang khawp mai.

Mite: Chu chu eng nge a awmzia?

Râl Vêngtu: Khaw dang sial hi chu an hawiherah te, an thil tih leh awm dân a danglam riau thîn. Nangni Zoram Kristiante pawh hi hmun danga Kristiante aini in danglam riau asin.

Mite: Eng kawngah te hian nge kan danglam bik viaw le?

Râl Vêngtu: Khawchhak lung lum tûr hlau si khawchhak lam bawp pana tlân chhe ta tlat mai te in awm a. Thil hlauhawm tlân chhiatsan tâk aruanga a hlauhawm lam bawp pan leh si te chu mi huhih phai lam tih âwma mawi a ni. Bible-in sakawlh a sawi hlau mang si lova a kawlh lo zâwk sawi kawlh chawpa hlauh tâk tlat mai te hi a danglam riau asin!

Mite: Bible-in sakawlh a tih chu eng nge ni a, a kawlh lo zâwk i tih pawh chu eng nge ni han sawi chiang law law la.

Râl Vêngtu: Bible-a sakawlh kan hmuh chuan thuneiha pumhmawma, pathian ang hiala inngaiin amah leh a lim chu chibai bûk tûrin mipuite a tilui a. Amah leh a lim chibai bûk ve duh lote chu ringtu pawh ringlo pawh dodâla, tihduhdah leh tihchimih thak tumtu a ni bawp. Kohhran ve thung chu Pathian mite inhlâwm khâwm hi a ni a, Kohhran chu a kawlh rêng rêng hleinê. An sawi kawlh chawp vêt mai mai a nih hi.

Mite: A lo nih tak chu a! Thil dang sawi tûr ila nei em?

Râl Vêngtu: Nei tehrêng e a! A la in-sehmûr tûk mai maw le. Khawvêl êntu Krista nei inti sia thim thuah hnih hlau tlat mai te hi in tam phian a, a mak teh asin! Krista êngin inthum ula, thim chu a kiang mai tûr. Thim zingah êng a luh chuan thim chu an mangang a, tlân bona an zawnng chûl mai asin. Thim chu a thim zawn poh leh êng chu a lang fiah mai alâwm. Thimin êng a ngam lo. Êng awmnaah thimin hmun a chang ve pha lo. Krista êngin a chhun ên ringtute tân thim thuah hnih a hlauhawm ve lo.

Mite: Awi! Râl Vêngtu a tha lutuk, sawi zêl rawh.

Râl Vêngtu: Tûna tân chuan duh tâwk leh phawt ang, ni dangah kan la sawi chhunzawm leh dâwn nia.

SYNOD HOSPITAL, DURTLÂNG JUNE, 2017 CHHÛNGA THILPÊK DAWNTE

I. CHARITY FUND

1. Lalnunsânga, Durtlâng Dâwrkâwn	₹	1,000/-
2. Laldanglova, Durtlâng Mêt - 5	₹	1,000/-
3. IKK, Sîhphîr Vêngpui	₹	5,000/-
4. Lalsânglûra, Durtlâng Mêt - 5	₹	1,000/-
5. Rosawmliana Vârtê, Durtlâng Leitan	₹	1,000/-
6. Sêrchhîp Times Travels, Sêrchhîp	₹	1,500/-
7. Lalramena Râitê, Durtlâng Dâwrkâwn	₹	1,000/-
8. Muaphêng Bial Kohhran Hmeichhia	₹	5,000/-
9. Sairâng Bial Kohhran Hmeichhia	₹	15,070/-
10. Pu Vunga Dâwr, Model Vêng Aizâwl	₹	1,000/-
11. R.Vânlalchhungi, Kanan, Aizâwl	₹	1,000/-
12. R.Lalnunthari, Chhînga Vêng, Aizâwl	₹	2,000/-
13. Lungdai Kohhran	₹	1,000/-
14. Pi Vânlalbiaki, Durtlâng Leitan	₹	1,000/-
15. YMA, Khatla Branch	₹	5,000/-
16. Upa Lalramawia, Bâwngkâwn Chhîm Vêng	₹	2,000/-
17. KTP, Salem Vêng Branch	₹	5,000/-
18. Chhûngkaw pakhat, Keifang	₹	20,000/-
19. Ramlaltui Kohhran, Haulawng Bial	₹	1,000/-
20. Chhâlâng Bial LAD, Mizoram UPC, Aizâwl	₹	10,000/-
21. Pu C. Dingliana, Bûngkâwn, Aizâwl	₹	1,500/-

II. THISEN PETE

1. YMA, Tuikhuatlang Branch	26	Units
2. KTP, Kâwnpui Chhîm Vêng Bial	28	Units
3. YMA, Republic Vêng Branch	77	Units
4. KTP, Thenzawl Field Vêng Bial	24	Units
5. YMA, Selesih Branch	16	Units
6. KTP, Jubilee Branch	19	Units
7. KTP, Lêngpui Bial	57	Units
8. KTP, Sairâng Bial	28	Units
9. KTP, Tuikual Branch	46	Units

PEK ZÂT

26	Units
28	Units
77	Units
24	Units
16	Units
19	Units
57	Units
28	Units
46	Units

III. GRACE HOME TÂN

1. J.C Security Guard & Labour Supply Agency	₹	5,000/-
2. Mizo Presbyterian Church Women Fellowship, USA	\$	200/-

IV. THIL DANG PETE

1. Ratu Bial Kohhran Hmeichhia	<i>Hmunphiah thahnem tak Auditorium-a hman tûr Plastic Chair 146</i>
2. Staff Welfare Committee, Synod Hospital	<i>A tûl apianga hman tûrin (Rs 9,350/- man)</i>
3. KTP Himali Bial, Chanmari, Aizâwl Gynea Ward tân Water Filter	<i>Hostel Khum 1 siam nan ₹ 3,400</i>
4. Champhai Kahrawt Bial Kohhran Hmeichhia	<i>Student Nurses Damdawi thahnem tak</i>
5. Pu Lalnginglova, Bâwngkâwn	<i>Palliative Care Formulatory Book (Rs 8,000/- man)</i>
6. Dâm Vêng, H.No- T/56	<i>Naupang Ward tân Table Fan</i>
7. Pu Zolâwma UK	<i>A tûl apianga hman tûrin ₹ 5,000/-</i>
8. Robert Lalremruata	<i>A tûl apianga hman tûrin ₹ 10,000/-</i>
9. West Phailêng Dinthar Kohhran	<i>ICU tân Revolving Chair</i>
10. Khawzawl Dinthar Bial Kohhran Hmeichhia	<i>Hmunphiah 30</i>
11. Pi Hauhnuni Sailo	
12. W/o Upa H. Zasiama (L)	
13. KTP, C.T.I Branch, Sesawng	

Khawngaihna leh duhsaknaa thilpêk min petute zawnng zawnng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawnte hian damlo awm man harsate thla-muang takin a awmtir a, Hospital mamawh tam tak min phuhrûksak bawp a ni.

Sd/- REV. R. RAMDINMAWIA
Chaplain

LITERATURE SEMINAR REPORT

Mamit Bial: Synod Literature & Publication Board chuan Mamit Bialah July ni 14-17 khân Literature Seminar an hmanpui a. SL&PB aţangin Rev. Dr. C. Chawngmingliana, Editor leh Upa R. Hmingthanzuala, Committee Member te bâkah Pu R. Lalbiakdika leh Tv. K. Lalrinzuala te an kal.

July ni 14 (Inrinni) khân Mamit Kohhranah nilêngin Literature Seminar hi hman a ni a. Seminar hi chawhma lamah Upa H. Tlângthankhûma, Bial Chairman-in kaihruaiin Upa R. Hmingthanzualan ‘*Literature pawimawhna leh Thuziak rawngbâwlna*’ tih thupui a sawi a. Chawhnu lamah Rev. V. Lalkima, Bialtu Pastor-in a kaihruai a, Rev. Dr. C. Chawngmingliana ‘*Kohhran ţawngkam hman leh Hla thu lam dân chungchâng*’ tih thupui a sawi ve thung. Pathianni chawhmaah leh chawhnuah Naupang Sunday School lamah Literature Seminar hi hman a ni bawp a, Mamit Kohhranah Tv. K. Lalrinzualan a hmanpui a, Pu R. Lalbiakdikan Mamit Bazar Vêng Kohhranah hmanpuiin, chawhnu lamah erawh chuan Mamit Dinthar Kohhranah naupang hi hun an hmanpui bawp a ni. Rev. Dr. C. Chawngmingliana leh Upa R. Hmingthanzuala ten Bial chhûng Kohhran pathumah inkhâwm chhâwkin Pathian thuchah an sawi zel bawp a ni.

Thingdawl Bial: Thingdawl Pastor Bial Inkhâwmpui wavi 32-na, Gen. No. 2-na thurêl angin ni 29-30 July, 2017 chhûng khân Thingdawl Pastor Bial Kohhran panga-ah Literature Seminar neih a ni a. He Seminar-ah hian Rev. Dr. C. Chawngmingliana, Editor, SL&PB leh Upa C. Lalbiakluanga, Business Manager, SL&PB te an kal a. Ni 29 (Inrinni) nilêngin Thingdawl Vênglai Kohhran Hall-ah Bial huapin Literature Seminar hi neih a ni a. Chawhma lamah **Literature pawimawhna leh Thuziak rawngbâwlna** tih thupui zirho a ni a, sawihona tha tak neih a ni.

Chawhnu lamah **Kohhran ţawngkam hman leh Hla thu lam dân chungchâng** tih zirho a ni a, sawihona hun tha tak neih a ni. Tlai lamah Seminar-a tel zawnng zawnngte Bial Committee leh thlêngtu Kohhranin chawhlui a buatsaih sak a, a lâwmawm hle.

Kohhran tin aţangin rawngbâwltu Kohhran Committee, Kohhran Hmeichhe Committee, KTP Committee, Kohhran Pavalai Pâwl Committee, Puitling leh Naupang Sunday School zirfirtute an tel thei a, kal zawnng zawnng hi mi 204 an ni. He Seminar-ah hian Bial chhûng Kohhrante aţangin beisei aia tam an rawn kal a, hetiang taka Bial chhûng Kohhran mipuiten an hlut hi a lâwmawm hle a ni. Inrinni zân aţanga Pathianni zân thlêngin Resource Person-te Kohhran hrang hrangah thusawina hun siamsak an ni bawp.



KAWLBÊM KOHHRAN: Kawlbêm Kohhran Biak In thar chu September 9, 2017 (Inrinni) khian Synod Moderator Rev. Lalzuithanga a hawng dân a. He hun hmanpui tûr hian an kohhrana lo lawi tawh zawng zawng an sâwm.

TUIKUAL 'S' KOHHRAN: July 25, 2017 khân Tuikual South Presbyterian Kohhran Biak In sakna tûr lungphum chu Synod Moderator Rev. Lalzuithanga'n a phûm. Lungphum programme hi Bialtu Pastor R. Lalengmawia'n a kaihrui a, Rev. Lalzuithanga, Synod Moderator chuan Pathian ropui nân leh a ram a lo zauh zêla, thlarauva rilâtnten chaw an hmuhna hmun a lo nih theih nân Pa leh Fapa leh Thlarau Thianghlim hmingin lungphûm hi a phûm a ni.

MISSION VÊNG BIAL PASTOR QUARTERS HLÂN: July 22, 2017 khân Mission Vêng Bial Pastor Quarters sak thar chu Rev. Lalramliana Pachuau, Senior Executive Secretary-in Pathian hnênah a hlân. Hlanna inkhâwm hi Bial Chairman Upa Rinzawna'n a kaihrui a, Upa Prof. Lalnguanguana Khiangte, Bial Secretary Senior-in thupuan leh lâwmthu sawina hun a hmang a, Pastor Qtrs. saknaa Work Supervisor Upa Lalliansâwta'n Qtrs. sak chungchâng report a pe baw. Rev. Lalramliana Pachuau-in thuchah sawiin Qtrs. thar hi Pathian hnênah a hlân a. Bialtu Pastor F. Lalrinnungan thuchah a sawi a, Rev. C. Rosiama'n malsâwmna-in inkhâwm a tîn a ni.

Nimahsela, hrehawma kan awm leh, nangmahni thlamuanna tûr leh chhandamna tûr a ni a; thlamuana kan awm leh, nangmahni thlamuan vena tûr a ni a, chu chuan kan hrehawm tuar baw hi chhel taka in tuar-naah chuan a thawk tîn a ni.

2 Timothy 1:6

MPF BOARD EXECUTIVE COMMITTEE VAWI 95-NA AN THU, POLITICAL PARTY-TE NÊN THAWH HONA THUTHLUNG AN ZIAK

July 20, 2017 (Ningani) khân MPF Board Executive Committee chu Synod Committee Room I-ah an thu. Meeting hi President Rev. Lalzuithanga'n a kaihrui a, Secretary Rev. Dr. R. Lalbiakmawia'n report a pe. Secretary report-ah chuan April 12, 2017-a State Election Commissioner -in MADC inthlan atâna Press Meet buatsaihah Rev. Dr. R. Lalbiakmawia, Secretary leh Rev. Lallawmthanga an tel thu te; MADC inthlan dânwah Constituency 20-ah MPF Campaign neih a nih thu te leh *free and fair election* an neih theihna tûra MPF hnathawh thât avânga Mizoram State Election Commissioner Pi L. Tochhawng-in Appreciation Letter a pêk thu te leh

Constituency pali-ah Constituency Forum din thar a nih thu te ngaihlhâk a ni a. Mizoram Political Party hrang hrangte nêna thawh hona thuthlung siam thar a nih thu te leh he thawh hona thuthlung hi MNF te, ZNP te, MPCC te, MPC te leh BJP President ten an signed tawh thu report a ni baw a. He meeting-ah hian thawh hona thuthlung hi MPF President leh Secretary-ten an sign ve ngihâl baw a ni.

MPF Board Executive Committee Meeting-ah hian Annual General Meeting neih dân tûr te, kum 2018-2019 Budget te, Vote lei leh hralh chungchâng Pamphlet chhuah chungchâng te leh thil pawimawh dangte an sawi ho a ni.

SYNOD MISSION BOARD

Kumin 2017 January aţanga June thlenga Mission Field hrang hranga ringthar an neih dân chu hetiang hi a ni:

1. Arunachal East	117	2. Arunachal North	188
3. Arunachal West	95	4. Assam	28
5. Barak	92	6. Delhi	36
7. Jharkhand	322	8. Karbi Anglong	113
9. Home Mission North	30	10. Home Mission South	160
11. Kolkata	364	12. Lucknow	156
13. Nepal	89	14. Odisha	1
15. Patna	88	16. Siliguri	60
17. Tripura	1112	18. Masihi Sangati	805

TOTAL 3856

MUSIC ADMISSION

Synod Music School-ah Tonic Solfa & Staff Notation (zîng kârah leh tlaiah) September - November, 2017 chhûnga zir duhte tân seat dîl theih a ni a. Dîl duhte chuan a hnuaiâ târ lante hi hriat ni se:

1. Worship Dept., Synod Office aţanga dîlna form hi la chhuakin **August 25, 2017 ral hma ngeiin Synod Office-ah theh luh tûr a ni.** August 28, 2017-ah seat chang tûrte hming târ chhuah a ni ang a, zir tûra thlante chuan August 28-30, 2017 chhûngin Admission tih fel tûr a ni ang.
2. September 4, 2017 aţanga class ţan tûr a ni ang.
3. Dîlnaah mahni awmna Kohhran lehkhâ thil tel tûr a ni.
4. Hriat tûr tûl dang chu dîlna Form-ah târ lan a ni.

Sd/- Rev. B. Sângthanga
Executive Secretary i/c Worship

PAVALAI PÂWL NGENNA

Kum 2017-ah hian Kohhran Pavalai Pâwl Registration buatsaih mêk a ni a, chುವângin Kohhran Pavalai Pâwl, mahni din ni, thla leh kum la theh lût lo leh theh lût tawh pawh tihchian ngai neite chuan October 2017 thla ral hma ngeiin Revival Office-ah theh lût tûrin ngên an ni. Pavalai Pâwl registration number hi upat dân indawt zêlin siam tum a ni a, report la theh lût lo chuan ngaih pawimawh ni se a lâwmawm hle ang.